



Bosna i Hercegovina
Босна и Херцеговина
Regulatorna agencija za komunikacije
Регулаторна агенција за комуникације



Broj: 03-29-358-2/10

Sarajevo, 11. 03. 2010. godine

Bosna i Hercegovina
Parlamentarna skupština Bosne i Hercegovine
Predstavnički dom
Dr. Milorad Živković, predsjedavajući
Trg BiH 1
71000 Sarajevo

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 15. 3. 2010.			
Organizaciona jedinica	Klasifikaciona oznaka	Redni broj	Broj priloga
01-10-1	15-71	10	

Predmet: Odgovor na poslaničko pitanje

Poštovani,

Regulatorna agencija za komunikacije Vam se obraća u vezi sa poslaničkim pitanjem, poslanice Vesne Šain, postavljenom na 71. sjednici Predstavničkog doma Parlamentarne skupštine BiH održanoj 03. 02. 2010 godine:

„Molim Regulatornu agenciju za komunikacije da mi odgovori kada će raspisati konkurs za dodjelu radio frekvencije?“

Regulatorna agencija za komunikacije (Agencija), u skladu sa RAK Pravilom 42-o dozvolama za zemaljsku radiodifuziju RTV programa (Službeni glasnik BiH 52/09), isključivo putem „Javnog poziva za takmičenje za dodjelu raspoloživih frekventnih resursa za zemaljsko emitovanje RTV programa“ (Javni poziv), vrši dodjelu opštih dozvola za zemaljsku radiodifuziju RTV programa. Do sada je Agencija sprovela tri Javna poziva za natjecanje za dodjelu raspoloživih frekventnih resursa za zemaljsko emitovanje RTV programa.

Agencija konstantno radi na stvaranju pretpostavki potrebnih za provođenje Javnog poziva, koje podrazumijevaju: mjerenja radiofrekventnog spektra, iznalaženje raspoloživih frekventnih resursa kroz koordinaciju istih sa susjednim zemljama i međunarodnom unijom za telekomunikacije, iskazivanje interesa zainteresovanih subjekata za pokrivanjem pojedinih područja i drugo. Ovom prilikom želimo posebno naglasiti našu obavezu da frekventni resursi, koje Agencija nudi na Javnom pozivu, trebaju biti međunarodno koordinisani, te usklađeni sa frekventnim planom BiH.

Obzirom da se iz dijela neautorizovanog dijela transkripta, koje ste nam dostavili u prilogu dopisa, može zaključiti da se pitanje poslanice odnosi na dodjelu radio frekvencije za područje Dervente, želimo istaći da je iznalaženje novih frekventnih resursa za sva granična područja u BiH, u koje spada i Derventa, dodatno otežano jer je za ista neophodno osigurati punu koordinaciju sa susjednim administracijama. Imajući to u vidu, a uvažavajući ranije iskazan interes za pokrivanjem ovoga područja, Agencija je poduzela sve neophodne korake u cilju osiguranja potrebnih radijskih frekvencija, te Vas ovom prilikom želimo obavijestiti

da je koordinacija istih u završnoj fazi. Finaliziranjem procesa koordinacije steći će se uslovi za njihovo uvrštavanje u naredni Javni poziv za dodjelu radiofrekventnih resursa.

O datumu održavanja narednog Javnog poziva, uslovima i listi raspoloživih frekvencija koje će biti na raspolaganju, kao i do sada, javnost će biti blagovremeno obavještena putem sredstava javnog informisanja, kao i putem web stranice Agencije: www.rak.ba.

S poštovanjem,

Generalni Direktor
Kemal Huseinović



Dostavljeno:

- naslovu
- u spis